

SLUŽBENI GLASNIK BIH 81/06

Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 45. stav 5. Zakona o porezu na dodatu vrijednost ("Službeni glasnik BiH", broj 9/05 i 35/05), direktor Uprave za indirektno oporezivanje donosi

UPUTSTVO

O POSTUPKU OSTVARIVANJA PRAVA NA PAUŠALNU NAKNADU

Član 1.

(Predmet)

Ovim Uputstvom se bliže propisuje vođenje postupka, te uvjeti i postupak ostvarivanja prava na paušalnu naknadu licima iz člana 44. stav 3. Zakona o porezu na dodatu vrijednost koji nisu obveznici poreza na dodatu vrijednost, a vrše isporuku poljoprivrednih i šumarskih proizvoda i usluga registriranim obveznicima poreza na dodatu vrijednost (u daljnjem tekstu: poljoprivrednici).

Član 2.

(Odlučivanje o podnesenim zahtjevima)

- (1) Regionalni centar - Odsjek za poreze prima zahtjeve, priznaje prava na paušalnu naknadu, donosi rješenja, vodi evidencije i podnosi izvještaje.
- (2) Rješenje o priznavanju prava na paušalnu naknadu donosi Odsjek za poreze na osnovu zahtjeva poljoprivrednika.
- (3) Odsjek za poreze u regionalnom centru je dužan da vodi posebnu evidenciju o podnesenim zahtjevima i izdatim rješenjima o pravu na paušalnu naknadu. Evidencija se vodi putem knjige upisnika prvostepenih predmeta (UP - 1) i elektronski, sa istim podacima.
- (4) Izvještaji o podnesenim zahtjevima i stanju riješenih predmeta se podnose mjesečno, do 5. u mjesecu za prethodni mjesec, Sektoru za poreze - Odsjeku za pružanje usluga poreznim obveznicima - faksom i elektronski.

Član 3.

(Dokumentacija koja se podnosi uz zahtjev)

- (1) Poljoprivrednici iz člana 1. ovog Uputstva zahtjev za priznavanje prava na paušalnu naknadu podnose mjesno nadležnom regionalnom centru Uprave prema mjestu prebivališta podnosioca na obrascu ZPN (koji je sastavni dio ovog Uputstva), ili na

drugom pisanom zahtjevu i slobodnoj formi, a koji sadrži sve elemente koji su neophodni za rješavanje po istom.

(2) Uz zahtjev se prilaže sljedeće:

- fotokopija lične karte
- ugovor sa registriranim obveznikom poreza na dodatu vrijednost o isporuci dobara ili vršenju usluga za istog ili potvrda o plaćanju (prijemu) otkupljenog poljoprivrednog, šumarskog proizvoda ili usluge izdata od registriranog obveznika PDV-a i

dokaz nadležnog organa da je podnosilac vlasnik zemljišta upisanog u katastru zemljišta, sa visinom prihoda manjom od 15.000 KM u prethodnoj godini (za vlasnika), odnosno ugovor o pravu korištenja ili plodouživanja navedenog zemljišta, sa visinom prihoda manjom od 15.000 KM u prethodnoj godini (za korisnika ili plodouživaoca).

Član 4.

(Promjene podataka)

O svakoj promjeni podataka koji utiču na status poljoprivrednika kojem je izdato rješenje Uprave po ovom osnovu (promjena visine katastarskog prihoda domaćinstva, promjena prebivališta i dr.), poljoprivrednik je dužan da najkasnije 8 dana od dana nastanka promjene obavijesti regionalni centar Uprave, prilažući odgovarajuće dokaze.

Član 5.

(Stupanje na snagu)

Ovo Uputstvo stupa na snagu narednog dana od dana objavljivanja u "Službenom glasniku BiH".

Broj 02-3234/06
1. juna 2006. godine
Sarajevo

Direktor
Kemal Čaušević, s. r.